

Vor zäh Jahr, da sind e paar Mane
schnerstracks abe in Ochse gange
was hei cho sind händs stolz verkündet
geschter hämer e Chuchi gründet
eusne Gründer säged mer Dank
mitere platte Schnitzelbank

Mir gönd s'ganz Jahr glei go choche
lönd eusi Schätz deheime hocke
drum laded mir eu is Schützehuus i
zum guet ässe und luschtig si
das isch, ihr müends jetzt ändlich wüsse
ganz elei euses schlächti Gwüsse

Mir fanned grad him Presi a
de Hans das isch en liebe Maa
er lueget eusere Chuchi ouet
drum luffed mir vor ihm de Huet
doch denäbet, das weiss jedes Chind
hät er nüt als Seich im Grind

Zur GV ladet er igschribe i
en Beschäftigungsschi isch au derbi
er lidet ganz starch under Telefonitis
uf de Reise na under Schlüsselitis
nur wänn en Car bringt Wiber ganz vill
wird er plötzlich chli und still

De Carlo Müller isch euse Vitze
choche chener, das isch Spitze
im Läbe isch er en stille Gnüsser
vom stämpfle hät er eis Bei chürzer
e Soumode hätter, euses Pürschkli
er isst im Schlaf na Winzerwürschkli

Jetzt chunnt eine, s'isch nüd Übertribe
vo däm chönnt mer ganzi BÜecher schribe
euse Chäser, das isch zum leche
macht immer no die verrücktschte Sache
was sich nur alls uf de Reise zuetreit
da schweigt des Sängers Höflichkeit

S'isch a de letschte GV gsi
fescht hämer all gschpürt de Wii
is Schöpfli simer all go ligge
de Chäser schlaft duss uf'em Hode witer
de Carlo dänn, dä armi Z'nacht
hät en fescht nüme hindere bracht

De Zimi isch, das chunnt halt devo
euse B i r liante Jo
am z'achpaht cho a treit dä e kei Swatsch
sid Jahr luuret er uf en Kontramatsch
es glingt, er macht a Decki es Chrütz
vor Freud dänkt er gar nüd a d'Schtütz

A de Fasnacht vor zwei Jahre
ische in Zimi ine gfare
s'bescht Menü hät er hocke lah
er mües jetzt ane Sitzig gaa
schnäll isch er abe in Hirsche gange
goge es rassigs Böögli fange
doch statt mit emene tolle Fisch
sitzt er mit eusne Fraue am Tisch

Euse Kassier, de Dorfbarbier
cha nüt als schleple nach zwill Bier
en Schueh in Arsch, e Fauscht i d'Schnurre
dänn hät de Hess erscht ufgehört murre
nachher sinds, s'isch nüd zum glaube
de Frida ihre Schlaf go raube
Höörlied, gits dänn keis Fäsch
wo du chesch.zur Zittis Näscht

De Fritz, dä tuet sich niemals brüschte
höchachtens echli langsam rüschte
mer gscht en sber au sälte am Tisch
willer immer am probiere isch
es sind halt nüd die schönllschte Geischer
euseri zwee Malermeischer

De Aktuer, dä brucht hüt Muet
wänner s'Protokoll verläse tuet
do chans dänn öpedie passiere
das eine. ohni sich oniere
so mir nüt, dir nüt, ganz Überrascht
es richtigs G'sichtsmassschli macht
doch eine seit: ihr liebe Lüüt
lueged do, mer gscht ja nÜÜt

z'Wappeschwil. bis Pfännigens obe
simer wunderbar ufghobe
das mir jetzt no chönd dete bliibe
und euse Unfueg wiitertribe
das isch, mer näméd s'Muul nüd z'voll
schlicht und eifach schaurig toll

Uf de Chuchireis simer z'Birkedorf gsi
drum laded mer Gudrun und de Wolfgang i
Gutschefahrt, Forällezucht
Donnerberghütte, das war ne Wucht
Waldmusik, Folkloretenz
dafür sagen wir Euch Dank
trotz dicke Büüch und lahme Glider
gäged mir Eu: wir'kommen wieder

Bim Wolfoang i de Waldschänki usse
hockt eine tuuch uf de Stöce verusse
er hät halt. ja, ihr chönd jetzt dlotze
zünftig müesse goge chotze
da chömed zwee Jungi und mached em Muet
ne Ops, dehts denn nimmer auet

Zwee Malermeischter, gross und chli
de Vontobel und de Häfeli
Tarif und Arbet sind ihri Theme
mer chann sich nüd deäqge wehre
akrobatisch isch mer dänn Z'nacht
oo lueqe, was z'Sunnhalde-Fasade macht

Dunnenberghütte in Birkedorf
brinet so viles an Humor
en Figaro hät mer gseh det ohe
ufem Schlaazüg umetobe
en Dirigänt isch au derbi
das isch wahrlich es Genie

Stolz hockt er uf em Barstuehl obe
euse Schorsch mit de rote Hose
A n g s c h t hät er vom Schärli g'ha
er isch doch suscht en muetige Maa
de schprützt em eine, unverworre
dure Zahlucke Rier a d'Schnore

Mit eusne Fraue wänd mir e kei Krach
drum lönd mir Eu da us der Sach
es gäb zwar ohni z'Übertriebe
vo Eu en genze siechvoll z'schriibe
doch statt mit Eu jetzt goge striite
choched mir lieber in Fridi wiiter

Mir hofed fescht, das isch doch wahr
ihr näméd das alles mit Humor
wänns eim nüd hetti sele passe
dänn tüemer das grad jetzt usjasse
doch sicher häts eu allne gfallé
mer hoffed, s'Überlaufft keim Galle
mer wünschéd am Vati, und am Muetti
es guets Neu's und alles gueti

=====

Mir ali sind im Schürli glandet
 es isch ja i de Zitig gschtande
 s'isch wider allerhand zämecho
 drum schtönd mir zwee jetzt wider do
 mir händ is Müe gäh, suscht sägeder bimeich
 jetzt verzelets wider de glichligi Seich

ei d' d' d' d' d'

Im Mai tüend mir Gegurtstag fiire
 es rise Fäscht zum jubiliere
 Alti Kollege, Behörde und Präss
 Kuchi Züri ll isch a euserem Fäscht
 nur d'Pfäffiker-Tüchel, die gscht mer niene
 de Mig hät sich nüß wele blamiere

Vo Birkedorf isch Tanzmusig cho
 de Elvis händs au grad mitgno
 Gschpilt händs, s'isch en Ohreschmaus
 güsse und trunke, s'isch en Graus
 und am Schluss, anschtat is Näscht
 bouets dänn na s'gröschti Fäscht

ei d' d' d' d' d'

Mit müede Grind, doch bickelhärt
 simer as: Früeschoppekonzärt
 bis Hesse brötled mer und trinked Wi
 die einte schlafed ganz tüüf i
 am Presi tüemer d'Bei rasiere
 d'Klara wotts au grad probiere
 en rassige Schnitt, sisch als vole Bluet
 güll Hans, mer gseht die Narbe guet

Am Musigfäscht händs ghulfe choche
 nachher sinds in Freihof ghocket
 bsoffe sinds is Zält iecho
 de Edi händs is Bettli to
 de Männerchor hät super klunge
 es hät e Käne falsch drigsunge

Mer chömed cho choche, wie immer ganz glöst
 de Georg jedoch isch ganz nervös
 d'Pi chunnt z'fräse wie uf Schine
 und bringt es Pack i d'Chuchi inc
 faecht hetedmer vegetarisch güsse
 de Georg hät nämlich s'Fleisch vergüsse

Zur GV gömer, s'isch kein lag
zerscht zum Hans i d'Hinderburg
de Carlo hät für ali Giele
en schöne Stock zum go spaziere
es U-Boot trinkt mer, ohni z'motze
de Hans gahts sofort goge chotze

Uf de Fahrt i Grossegg, sisch en Gruus
gaht am Fritz s'Bänzin na uus
i de Müli spiled mer ~~ne~~ Charte
di andere tüend dobe warte
de Fritz nimt Würscht zum Rucksack use
zum bröttele ufem Parkplatz usse
doch waser ie bringt, glicht o Schreck
ehner schwarze Choleseck

Mir fahred dänn ufe, als hettis brännt
deht staht dänn gross ufem Transparant
guet sichtbar für jedermann
Zimmermann ist unser Mann
gäll Zimi, du muesch glaub, sisch zum verzweifle
ewig Personalchef bliibe

Nachem choche tüemer g'schpasse
nacher na e paar Stund jasse
de Zimi hät dänn wele go schlafe
da fahred em zwe na wie d'Affe
zu de Frieda in Kafi und telefoniere
obsem Vreni guet gäng uf de Niere
de Zimi laht sich nime joche
chunnt s'nächstmal mit em Gwehr cho choche

Hans und Hans und Hans und Edi
Fritz Georg Kassier und Vice-Presi
s' 85 isch verbi
sisch wider cheibe luschtig gsi
ihr müend eu s'nächst Jahr zümeriesse
suscht tüend mir eu dänn wider schlisse

Jetzt simer scho, ja garemänd
mit euserem Latin am änd
eusne Fraue wünsched mir vo Herze
schöni Wienacht, Päckli, Cherze
es guets neus Jahr, und tänked derbi
so schön chas nu bi de ₀ Hobbychöch si

=====

Mir zwee Mane, schlank und rank
 singed eu e Schnitzelbank.
 Ich säg allne herzlich grüezi
 und ich entbüte eu es bhüeti
 ihr händ eu zwenig zämegnoh
 drum schtönd mir zwe jetzt wider do

S'fangd a bim letschte Wiehnachtsässe
 da händ e paar ihri Haar verwächslet
 de Hess dä känsch nüd ohni Wule
 de Zimi hät usgse wienen Schwule
 und d' Rahel hät vor luter lache
 grad echli müesse i d'Hösli mache

10 Jahre TC Geroldswil
 choche tuet d'Chuchi Bäretswil
 Im Programm da schtaht dänn na bigoscht
 de Scharchoch segi eusi Schorsch
 S'isch is ales eifach sauguet grate
 d'Suppe, Vorspies, Majs und brate
 da seit de Jürg zum ~~Mal~~ s'isch nüd vermässe
 no nie händ mir dan eso guet g'ässe

S zwölft Joohr i eusre Chuchi-Aera
 s'erscht Mal choched mir ohni President
 mit de Claire isch är uf Frankrich g'rännt
 keis Mal sind mir im Eigne gsi
 a de GV en Presi ohni Wi
 und statt de Peter gaht hei go penne
 schlaft er i de Hoschti äne

Mir händ eine mitere Schnore ganz gross
 doch suscht isch da obe nüd vill los
 es isch e Schand, nüd öppe lischtig
 er vergisst sogar no s'choch am Zischtig
 bim Kassier da schtellt sich e Frag ganz heiss:
 hät dä es Hirni oder hätter e keis

De Höhepunkt vom Jahr isch gsi
 s'Chuchireisli in Tessin
 agfange häts mit Wi und Snäcks
 Käfacl GV mit vil Gägs
 z'Züri hämer grüeft: da fählt doch eine
 ja däa schtöch under de Duschi deheime

Ohni Billet und ohni zale
isch de Schorsch in Tessin abegfare
bi Summe und föif Liter Bowle
häts eus dänn bös agfange wohle
und wo de Schorsch dethär chunnt z'trampe
händ mir scho gfüllt gha eusi Lampe.

Mit em Bändli isch es witer gange
zu de Agnese uf Intranja
s'ischs absoluti Zähni gsi
s'Aesse, d'Chefin und de Wi
de Zimi seit: doch s'beschti hier
ischs rassig Mausli am Klavier

D'GV fangt, o schtarche Maa
grad mit roserote a
es fahrt e tolli Bandella i
de Edi vergisst sich ganz derbi
er singt und lacht, tuet dirigiere
de Musig zweimal vil schpändiere
da fragt mer sich: isch's Absicht gsi
oder nur de zwilli Wi

Am Suntig heisst's bim Glesli Vino
ariwedertschi bell Ticino
langeds uf Schiff, oder langets ächt nüme
so fahred mir dur de Gotthard düre
de Fritz fahrt mit em Zug dänn witer
suscht schliessed em Buebe de Bebisitter
uf em Schiff händ mir dänn doch no diniert
als hets de Hitschkok inszeniert

Mir händ leider bi eus en Maa
dä hät nur e halbi Stifti gha
er macht nume Kafi, er macht is Verdruss
versiechet em Presi na d'Schoggimuss
als Chef macht er dänn Nierli vom Chaib
si seicheled, säged zwee dänn bald
während mir die Köstlichkeite tüend labe
bringt er kein einzige Bisse abe

Ja mini Liebe, das wärs gsi
eus fallt jetzt halt nüt g'schiits me ih
de Wirtslüt säged mer herzliche Dank
für d'Gaschtfründschaft und Spies und Trank
s'Vontobels und s'Müllers und s'Hitze und s'Peters
s'Häfelis, s'Grafe, s/Zimis de Vrene
wünschd mir wie jedes Mal
alles Gueti im neue Jahr

Mir zwoo schtönd halt scho wider da
jetzt werdeder zünftig duregnah
E Fraag tuet uf de Zunge bränne
ob ihr eus ächt no taged kenne
öppis verlore, händ mir beed, enart
de einti de Ranze, de ander de Bart

Begrüesse tüemer ali ganz hätzli
händ echli Spass aneusere Schärzli
d'Fraue sind cho uf Schueschters Rappe
bim Hess tuet de Transport ja doch nid klappe
uf d'Chöschte lueged mer au, emänd
wämer tänkt wiener sletscht Jahr gsoffe händ
am Zimi weted mir na säüge
da vorne häts dänn au e Schtäge

S'hät nid nur gwächslet d'Jahreszahl
sondern au euses Chuchi-Lokal
Frau Pfänniger, Danke, mer frögt sich am Äend
wie Sie's eso lang mit eus usghalte händ
bim Hans und bim Berti, da gfallts eus au guet
hoffentli lupfts eu nid allpott de Huet

D'Gerda hät, mit Ach- und Krack
vomeus e schöni Foti gmacht
en Poster hangt, s'isch alerhand
im Trend-Salon jetzt ade Wand
all Lüüt dänend sich det draa versume
die schöne Mane chöne z'beschune
eischtimig chömeds dänn zum Schluss:
da sinder aber scho schön im Schuss

De Meitli-Riege uf Dietike abe
simer es guets Aesse go mache
d'Lüüt händs gnosse, si flipped fascht us
em Hess däm gfallts, lupft s'Füdüli nid uf
de Graf de hät, mer händs nid gmässe
sicher en Meter Grämschnitte gfrässe

De Chäser gaht, zum d'Hüfte fligge
id Schulthess-klinik goge ligge
Mer bringed em statt es härzigs Schtrüssli
so schöni chlini Haselnüssli
er biesst dänn dri, doch statt ere Nuss
gumpet en Pariser druss

Carlo und Edi, si händs verdient
sind jetzt bedi pängsioniert
s'Müllers weted mir no danke
am Geburtstagsfäscht für Wurscht und Anke
obs s'Hitze ächt no chönd preschtiere
wo sie jetzt nüt me tüend verdiene
wänt zuene gasch en Jass go chlopfe
muesch nämlich ufem trochne hocke
d'Frieda seit: ich schäm mi schier
mir händ nüd emal me Bier

De Presi lat zur GV i
keine weiss dasmal wohi
chli Edi tuet is dänn schoffierte
in Schwarzwald use go gämpiere
uf Gutschefahrt sölls gar bis z'Abig
känn Mänsch hät nur di chlinschti Ahnig
da frögt de Helmuet uf saudumi Art
"wart ihr schon auf Kutschenfahrt"

Uf säbere dänn, s'isch es cheibe tue
gahts wien im wilde Weschte zue
de Bhüeti hockt, s'isch nüd zum zahle
uf em Dino wienen Indianer
ischs ächt vom rüttle oder de Schnäps
das er am Schluss dänn kotzet hät
nei! nei! es isch en alte Huet
däm tuet d'Schwarzwaldluft nüd guet

Zur GV chömed fascht ali z'schpaht
de Buessetüfel härt z'schläht
en Tisch für sich hät s'Mitglied gha
bim Presi tönts wie gwohnt Blah, Blah
de Fritz de dänkt, das sind doch Affe
ich tuene doch es bitzeli schlafe
und bime nüechtere Presi, vilicht
wär de Graf jetzt wider Schtift

De Zimi 1945
chunnt i d'Chuchi deprimiert
Personal, Computer, die schaffed mich schier
ich schtahn echli ume und sufe es Bier
nüd emal s'choche chami motiviere
tue lieber echli schnore und lamentiere
doch bi Stöck, Wis, Stich und unenuf
blüeht de Zimi richtig uf

Schorsch und Fritz, ihr sind z'verbarme
hocked de falsche uf, ihr Arme
es Glück das eui Gschäfte laufed
suscht müesteder Hab und Guet verchaufe
zwei Hüser müender sicher male
zum d'Chuchi-Schulde chöne zahle
na tüürer chämts, s'isch nüd zum gschpasse
wänner sälber würded jasse

Jetzt höri uf, mir ischs verleidet
ja halt, mir isch, da fühl doch eine
Ich chann schtudiere wien i will
vom Carlo chunnt mer nüt in Sinn
fürs neu Jahr wünschd mer alne s'bescht
und s'alergfreutischt Wiehnachtsfäscht

=====

JETZT LUEG AU DEI JETZT LUEG AU DO
 JETZT ISCH DÄ SCHNORI WIDER CHO
 DE PRESI ^{DA}STÜRMT, ER GIT Ä KEI RUEH
 E SCHNITZELBANK GHÖRI GANZ EIFACH DEZUE
 DE GROF HÄT LEIDER DE STIMMBRUCH GHA
 DRUM STAHT JETZT D'ELSBETH NÄBEDDRAH
 DA HILFT KÄS BRÜELE, KÄS HÄRZIGS LÄCHLE
 JETZT WÄRDED ER GRAUSAM DUREGHÄCHLET

S'DRITT JOHR SCHO, S' ISCH KÄN LUUG
 CHOCHED MER I DE HINDERBURG
 BIM HANS UND BIN BERTI DA HÄMERS SO SCHÖN
 DA WÄRDED MER WIDER SO RICHTIG VERWÖHNT
 DOCH: S'VORLETSCHT MOL, SISCH NÜD ZUM G'SCHPÄSSLE
 HÄT S'BERTI FASCHT NO D'CHÖCH VERGÄSSE

DE PLANZER HANS, ES ISCH NÜT NEUS
 HÄT AU ES BITZELI FREUD AN EUS
 ÄR SITZT BI EUS AM RUNDE TISCH
 UND BLIBT BIS D'SUPPE G'RÜSCHTET ISCH
 ER SEIT: WÄG DE MÄNGI MACHED EU KEI SORGE
 ICH ISSE DÄNN DE RESCHT ZUM Z'MORGE

FASCHT ALI HÄND EN SCHÖNE DOG
 NUR EINE HÄT EN SCHIFFLI-CHOPF
 BOLLE WEISCH WAS S'SCHIFFLI ISCHT
 S' ISCH S'MARKEZEICHE FÜR DE STIFT
 DIR VERGOHT DÄNN AUNO S'LACHE
 MUESCH NÄMLI E GANZI STIFTI MACHE
 DOCH EIS FREUT EUS GANZ BSUNDERS HÜT
 HEBED S'GLAS IHR LIEBE LÜÜT
 DASS DE CHRISTOF USSERT STIFT
 AU NO VATER WORDE ISCH

IM JANUAR, CHALT BIS UF D'CHNOCHE
 SIMER DE MEITLI-RIEGE GO CHOCHÉ
 Z'DIETIKE TÜEMER D'GESCHT VERWÖHNE
 UND ECHLI DE GSELLIGKEIT FRÖHNE
 FÜR E RUNDI KAFI, ES ISCH E KÄN LUUG
 HÄTS GRAD E FLÄSCHE COGNAC BRUCHT
 DE HESS DÄ HÄT, ES ISCH KÄN KOHL
 MEH OEL AM HUET ALS IM MOTOR

DE ZIMI TÖRFTI HÜT PLAGIERE
WÄGEM CHUCHIREISLI ORGANISIERE
ES SUPER GAUDI, DÄ TÜÜFEL NIMS
HÄMER GHA IM ZÄLTPLATZ OBE Z'FLIMS
ER HÄT DAS WÜRKLI SUPER GFLUETET
WÄR HETI DAS D Ä M MAA ZUEGMUETET

MIR CHÖMED ZRUGG VOM ZIMMER BEZIEH
DA SIMER STATT FÖIF, NUME NA VIER
WAS ISCH PASSIERT CHURZ VOR EM ÄSSE
MIR HÄND GOPFRIDSCHTUZ DE SCHORSCH VERGÄSSE
NO LACHT ER MIT, NO ISCHS EM WOHL
BALD SCHÜSST ER ES GFÜRCHIGS EIGEGOOL

EN FEINE Z'NACHT ES GLESLI WY
DE PRESI LADT ZUR GV IH
D'SITZORNIG WÄRI FASCHT UUSGARTET
SISCH GSI WIE IME CHINDERGARTE
DOCH ÄNTLI HÄDS KLAPPET, DÄNN FANGED MER A
VOM PRESI TÖNTS WIE GWOHNT: BLAH, BLAH
EI GROSSI FRAAG SCHOHT HÜT IM RUUM
STRECKT ÄCHT DE EDI AM RÄCHTE ORT UF

D'VERSAMMLIG LAUFT, KASSIER GIB ACHT
DASS ÄMEL AU GNUEG SCHTRICHLI MACHSCH
DE PRESI GIT BUESSE DAS GSCHÄFT TUET FLORIERE
DE SCHORSCH DÄ SHTRECKT UF UND TUET INSISTIERE
ER SEIT ER SCHELI EN ATRAG DA
DE PERSONALSCHEF MÜES FÖIF SCHTRICHLI HA
DE CLOU VO DÄRE GSCHICHT DÄNN ISCH
DAS ÄR DÄ MAA GRAD S Ä L B E R ISCH

S'GÄL TRICOT ISCH EM SICHER GSI
NÄBSCHT BUESS UND SPOTT UND HALALI
DE ZIMI ISCH ÄNTLI VIZE WORDE
DE CHÄSER ZUM MITGLIED USERCHORE
DE WICHTIGSCHT BSCHLUSS, IHR WÄRDETS GSEH
ISCH S'NÄCHSCHT JOHR D' MS LIBERTÉ

DE PETER HANS, WÄR HET DAS DÄNK
ISCH VIERZÄH JOHR SCHO PRESIDÄNT
IM JASSE SEGER, WIE ÄR SICH NÄNNT
ES ABSOLUTS NATURTALÄNT
WAS ÄR BIM CHOCHÉ I D'FINGER NÄMI
AU IMMER ABSOLUT SUPER GLÄNGI
NUR RESCHTALKOHOL TUET ER SCHLÄCHT VERDAUE
DRUM HÄTS EN GFÜRCHIG UF D'SCHNORE G'HAUE

DE NIERLI-HANS VERZELT SID JÖHRLI
S'GÄB G'HACKETS, OEPFELMUES UND HÖRNLI
BIS JETZT SINDS LEERI VERSPRÄCHIGE GSI
WOHRSCHINLI LÖST ÄRS GAR NIE IH
S'LETSCHT MOL GITS, STATT DÄM MENÜ "SÜRPRIZE"
NUR DESSERT UND E PAAR VORSPIESE
ZUR HAUPTSPIES HÄMER, S'ISCH WÜRKLI VERMÄSSE
E STIERI GULASCHSUPPE G'ASSE

DE FRITZ BRINGT GSOTTNI PINTIÉ
DRUS SETS E FEINI RÖSCHTI GÄH
DE EDI SCHAFFET WIENEN VERRUCKTE
TUET D'HÄRDÖPFEL EIFACH DURD'RAFFLE DURTRUCKE
ZUR CHUTTLE HÄTS DÄNN, STATT RÖSCHTI OJEH
EBE HALT HÄRDÖPFELSTOCK GÄH

DE ZIMI DE PETER, O JESSES NEI
HÄND WIDER EMAL NÜD WELE HEI
NACH LANGER NACHT UND OHNI SORGE
HOCKED DIE ZWEE IM NEUHOF BIM Z'MORGE
SI SÄGED EM FRÖLEIN SI SELL TELEFONIERE
DE HESS MÜES SI SOFORT CHOGE RASIERE
AM EIS SET DE ZIMI BIM HOORSCHNIEDER SI
BIS HITZE SETER GRAD AU NO VERBI
ER HÄT ALES VERGÄSSE UND ANSTATT GO SCHAFFE
TUET ER DI HEIME SIN RUSCH USSCHLAFE

ICH CHAN HIRNE WIENI WILL
VOM FRITZ CHUNNT MIR GAR NÜT IN SINN
S'LETSCHT JOHR HÄTTER, WÜSEDERS NO
S'GOLDIGE TRICOT ÜBERCHO
DAS JOHR ISCH ER EN BRAVE GSI
UND MIR FALLT JETZT NÜT GSCHITS ME IH
MIR WÜNSCHED EUS UND ALLNE GESCHT
ES GUETS NEUS UND S'ALLERBESCHT

AM LETSCHE ÄSSE, WÜSSEDERS NO
 ISCH EN TSCHINGG ALS CHÄLNER ZUENIS CHO
 ICH HAN BIM ALBERTO IM SCHÜRLI G'MANSCHARET
 HA GSEIT, CHUNTSCH AU WIDER ZU EUS CHO PARLARE
 ER SÄGE: GIOVANNI-UELI, IS GROSSI GATASTROFFE
 BI EU ISCH GUESTO ANNO JO GAR NUT GLOFFE.

HÖREN STATT SEHEN ISCH DAS JOHR DE HIT
 SCHORSCH CHUM DA FÜRE UND MACH ECHLI MIT
 TUE D'GESCHT DA BEGRÜESSE MIT HÄNDE UND FÜESSE
 UND ZEIG DÄNE WERUM MIR SO LACHE HÄND MÜESSE
 MUESCH JO NÜD SO TÜTLICH WERDE
 WIE BI DE REGINA MÖSENLECHNER

SCHORSCH

S'MINI-REISLI ISCH EN HIT,
 ORGANISIERT VO EUSEM EX-STIFT
 WOHÄRE ISCH DÄ MIT EUS G'FAHRE
 DRÜ MAL DÖRF JEDE VO EU RATE
 IN THURGAU NATÜRLI, ZU DE MÖNCH UF ITIGE
 GO PFUSE DÄNN - UF LANZENÜFERE

MER ÄSSED Z'NACHT, ZIEHND GV DURE
 WÄGDE BUESSE HOCKED MER UF D'SCHNURE
 MIR GÖND IS BETT UND SCHLOFED IH
 DA FAHRT BIGOSCHT DE SCHORSCH NO IH
 EN SAULÄRM MACHTER, TUET DE BHÜETI NECKE
 HÄT DE RANZE DÄNN, VOLL BLAU FLECKE
 DE SCHORSCH WÜRD AU, BI BESSEREM BEFINDE
 DAS HUS IM LÄBE NIEME FINDE

I DÄM JOHR TÜEMER, ES CHUNNT IS GLÄGE
 DE KONTAKT MIT ERE ANDERE CHUCHI PFLÄGE
 FÜÜRTÜFEL-CHUCHI TUET DIE SICH NÄNE
 NACHEME SCHNAPS WO IM HALS UND IM GLAS TUET BRÄNNE
 DÄ BRÄNNEND SCHNAPS TUET ALLNE GFALÉ
 DE KASSIER MUES DÄNN ACHT GLESLE ZALE

SI CHÖMED DA UFE, MIR ZUENENE ABE
 ALS GESCHT SIND MIR I D'FEICHRÜTI IHGLADE
 ALS GESCHT DA TUETMER SICH HÖFLICH BENÄH
 JETZT HETTEDER ABER SELE DE TSCHORTSCHO GSEH
 MIT DÄM DEHT SINE TISCHMANIERE
 CHÖMER WEISSGOTT NÜD BRILLIERE

MAL HEISS, MAL CHALT - MAL CHALT MAL HEISS
MOMOL DE SCHORSCH DÄ SCHTECKTEM EIS
EM GRAF SIM HÄMP PAAR CHNÖPF ABGSCHRÄNZT
GLAS, TISCH UND SHTUEL GÖND NITSIGÄNT
UF EM GANG IS WC USE
SCHLATSEN UME WIENE FLIPPER CHUGLE
IM PISSWAR, FUCHTLET ER UF ALI SITE
DOCH BRÜNZLE TUET ÄR EIFACH WITER

TERMINE PLANE - IHR GLAUBEDS NÜD
DI EINTE CHÖNTS - DER ANDER NÜD
ISCH'S AM MÄNDIG, ZISCHTIG, ODER AM FRITIG
ISCH'S E BOU-, WERKKOMMISSION ODER E ANDER I SITZIG
DE GROOF DÄ ISCH - IR MÄRKETS SCHO
EIFACH ÄN TERMIN-CHAOT

GÄRSCHTESUPPE CHOCHTER FLOTT
DE ZIMMERMANN-STRICH DANIOTH
DOCH SUSCHT - IHR WÄRDET'S SCHO NO GHÖRE
HÄT ÄR EFÄNGS Ä FRÄCHI RÖHRE
UND ALS CHUCHISCHEF DIE WUCHE
HÄT ER SICH NÄMLICH WELE TRUCKE

GITS ÄCHT ÖPPIS - ODER GITS ÄCHT NÜT
DAS FRÖGED SICH ALI CHUCHI-LUÜT
ES WÄR S'ERSCHT MAL I DE CHUCHI GSCHICHT
DAS EINE VERGISST, DASER CHUCHISCHEF ISCH
DAS WÄR EN HIT - DAS WÄR EIMALIG
DAS GÄB EN CHEIBE GLATTE ABIG
DOCH DE EDI, HÄT S'CHOCHTE NÜD VERGÄSSE
MACHT SOGAR ES SUPER-ÄSSE

ICH CHAN SHTUDIERE WIENI WILL
VOM PRESI CHUNNT MER NÜT IN SINN
KEIS MAL MEH TUETER ÜBERBORDE
ISCHER ÄCHT SOLIDER WORDE
SORGE HÄMER SCHO MACHE WELE
DO TUETER G'SCHICHT VOM DÖRFLI VERZELE
GO FÜDLI LUEGE- OHNI GÄLT
DAS ISCH DÄ ALTI PRESIDÄNT

JA MINI LIEBE, DAS WÄRS GSI
ÜBER DI ANDERE FALT MER NÜT ME I
DÄ WIRTSLÜT SÄGED MER HÄRZLICHE DANK
FÜR D'GASCHTFRÜNDSCHAFT UND SCHPIES UND TRANK
DAS S'BÄRTI UFEM NEUE HÄRD
NO LIEBER CHOCHET ALS VORHÄR
ICH WÜNSCHE EU, WIE JEDES MA~~AN~~
ALLES GUETI IM NEUE JAHR

GIOVANNI-UELI